

秋澗先生大全文集

九

秋澗先生大全文集

PDC

秋澗先生大全文集卷第三十一

七言絕句

早梅香信臘前開

籍約君同徃 肯前來

松風亭下一樽開 終日裴徊醉竹臺 露帶

晚夜深猶傍枕邊來

花開花謝催人老 花本無心人自哀 折得一枝

手且分春色入城來

梅花風韻不凡才 冰雪方凝始見開 任使和

實等閑斤斧不為災

夢酒張鍊師

道人尸解拓陽臺三尺瑤觥卧綠苔昨夜月窓清
底分明露醉謝文來

題劉總管宅御愛峰

太湖清潤岱宗雄金宅宣和第一峰絕似水晶宮
看一堆寒碧玉玲瓏

詠梅

銅切塗黃點酪酥細薰波女律發溫鑑老夫鼻觀多知
見不用燈前問玉奴

一朶陽和擅獨根蒲枝金蕾鎖春溫惜花人老情緣
在翦斷春風倩女魂

尚愛梅君侶細君題詩重過去年門經年不見春風
面爲恐啼痕似臘痕

鼓嶺青林欲盡頭半崖渾作白煙浮應知昨夜山中
雨石上寒泉散漫流

荔枝樓在按察司

潭潭大府號澄清一道綱維控八城舊說憲僚憐
夜宴荔枝樓上月三更

題米元暉楚江清曉圖

元暉筆力儘清雄兩岸青山似越中六鑿近年攘欲
盡蒼煙無復曉冥濛

江邊壩落靜荒煙林鴉依然井曰全若比石壕更
瀟灑入山多避過都錢

禽語自感

鷓鴣明呼行不得杜鵑切祝不如歸長憐二鳥知幾

早苦戀明時日自鞿

小樓晚眺

遠客逢秋苦憶家
小樓登眺日初斜
忽驚海上風來迅
吹亂鄰牆一架花

白沙漢舊名

歸舟漾漾度林菲
兩岸芙蓉間木犀
窈是遠遊堪記處
一篙秋水白沙西
天涯久客得還家
喜動秋風八月槎
絕似武陵回棹處
後山都被亂雲遮

岸宿閩清縣門

清江一曲抱城根
此夜孤舟宿縣門
已是客心幽迥處
更堪踈雨濕黃昏

小若

水師橫棹卧舡頭三日風蓬喜順流縱使不携西子
去烟鬟都是苧蘿秋

醕劉憲使仲脩嚴韻

舟次建寧書史孔元敬自浙東改任福唐
得憲使仲脩詩因繼高韻為荅孔字中卿
係襲封元措行也

來從海徼全閩地閱盡烟江疊嶂山越橐不憂無重
致班超今喜得生還
安嶺北遮千里目全閩東掩萬重山江花江草爭含
笑一事無成謾往還

夢筆山

異稟中來氣自豪先生藻思湧秋濤斯文本逐年衰
壯取與何嘗有彩毫

題北苑亭柱

羈懷牢落獨登臺幾被時人笑不材只有青山最憐
客翠幃如畫四圍開

贈相者雪庭東谷二絕

道人宛有雪山清顧我眉毫近九齡最喜一生心事
好又看黃色起天庭

雪裏疎梅儘耐寒功名都在晚年看煩君與卜趣裝
日早晚孤舟發建安

全氏小樓與南山相對殆几案間物也暇
日編予其上索賦鄙作因口占二絕句

閭閻撲地不容閑，疊起重棚翠靄間。
樓下市聲喧午枕，藥爐頭上看青山。
東籬遙見喜悠然，況在風烟咫尺間。
滿勸銀盃留客醉，夕陽佳處鳥飛還。
南山秋色兩爭高，終日相看不待招。
一炷龍涎滿樽酒，安排詩思苦相撩。

過朱家府并序

至元廿七年冬孟過朱家府謁

太師遺祠瞻拜禮像懷德不已敬留四詩
付林彬二孫庶幾鑽仰意云晚進小子汲
郡王惲欽祗百拜書

世仰遺祠愛及鳥，不緣喬木綠陰餘。
題為通德猶膚

淺云是文奎所次壚

廉洛尋源到聖功
八方吹偃舞雩風
一掬得近東家
住瓢飲肱眠樂在中

金聲遺響已千年
聖道重光自子傳
不為武夷山水
窟拏舟還艤杏壇邊

神而能化自人存
堯是凝旒以道尊
德澤未應移五
世青衫長見讀書孫

張家灘在建陽縣南五里

張家灘下石縱橫
舟楫經過與水爭
行路險巇皆一
例溪聲何苦不平鳴

武夷溪口謝諸生來迂

諸生濟濟半深衣
鞭馬來迎候武夷
把酒向前爭致

語精神全在去年時

望武夷諸山

武夷山水儘清奇石作龜麟玉作溪望入神清野一到壁間空擬老歐題

崇安道中

十月山間不覺秋青林依舊鎖深幽西風老却黃雲縉野水溝溝澗澗流

贈石堂和尚

梅花樹下石堂僧楚語咻咻碧眼稜威說補陀神力大碧丹療疾石能徵道人來自武夷山袖有千金起廢丹專意濟人無所取一年強半在崇安

過大安嶺

愛山不厭入冥搜，薄霧空濛為少收。
意似范寬誇老筆，亂峰明處露巖頭。

大安形勢鬱崢嶸，閩海東蟠未了青。
往返兩回煙雨暗，不容詩筆寫真形。

前有群狐後有豺，老懷悽斷嶺猿哀。
此行可卜新年順，無是無非下嶺來。

萬里生還豈偶然，一聲長嘯下蒼巔。
開頭若要留詩去，記我今冬下嶺年。

下嶺人言出厄年，一杯瀦校瘴江煙。
紫溪嶺下重回首，已勝班生到酒泉。

過稼軒先生墓

在鉛山州南十五里陽原山中廿七年自福唐作

青銅三百了時文大節知公在致君朝野不應傳樂
語六宮春動鬱金裙

相秦審勢不明理坐使炎興失遠圖力主脩邊信大
義先生真是孔明徒

遺編三復美芹辭睿眷曾蒙孝庙知黃壤不埋忠義
氣至今煙草見蟠螭

老徽北狩七陵空奉命南來見匪躬誰遣廟謀空坐
老一祿精舍帶潮東

招提遺像見英材喬木秋風過客哀通曆縱令追削
盡疊山文是漢雲臺

次鉛山示州尹杜君

西連兩廣天荒處東接三山海盡頭喜見寬平風土

美鉛山今合作中州

余去冬過此今歲復由此北歸觀其田里城居比之前日精彩數倍詢之蓋侯杜新政之所致也喜爲留詩而去

題寒碧井

在鉛山州東五里

寒泉湛碧石爲崑鯨口長噴色更藍六月行人方困
啜一杯冰雪蜜同甘

沙溪道中

馬知驛近趨行迅詩爲山竒捉句難行過沙溪都忘
却際空原野喜平寬

喜得臺報

弓刀霜冷五更初破睡無方有疾驅不爲殘年誇老

健暫教粧點早行圖

欲進行難愧素餐當機坐視更何安從今漸覓身心
適秋水鳴蛙不屬官

下山風袖任披披來路回看在翠微貪戀紫溪山路
峻不知寒霧濕征衣

玉溪登舟

捨鞍乘木玉溪煙坐聽吳歌踏兩舷東抵餘杭西自
信一千里路月明舡

食枰

黃枰香熟夜來霜北似休官味更長道出三衢冬十
月石塘林圃記初嘗

夜發嚴州

亭亭白塔過嚴州漫漫清江不盡流慚愧釣臺臺上月分光也照遠迴舟

桐江待發

舵師說伴小兒童一耄平明意莫忽待發桐庐遲是速舟隨潮退疾如風

夜過七里灘

都俞無幾已還山自笑瞞跚老一官爲恐石壇松鶴笑夜深舟過子陵灘

錢塘道中

長路人家不斷頭富陽東下接杭州如今不似勾吳日猶自歌聲沸酒樓

余自閩中北還舟行過常秀間卧聽櫂歌

殊有愜余心者每一句數端以聲和之者
三扣其辭語敷淺而鄙俚曾不若和聲之
驪亮也因變而作十二闋且道其傳送艱
苦之狀亦列連州竹枝之意云

露華冷浥蒼山碧江水平鋪素練光半夜棹歌相應
起發揮無用詫鳴榔

今秋湖濶兩相通差遣雖頻力易攻度險却防連夜
發洩流還怕打頭風

兩浙人稠不易安少罹凶慊即流遷今年苦惱蘇常
地易于營生不計錢

睡思朦朧苦未休棹歌催發五更頭兩盂悶飯無塩

菜兩雨風風一葉舟

朝來回棹喜空船坐唱吳歌踏兩舷淘米墩頭風浪
起最防吹入太湖烟

中產攢來六七家終年執役在浮槎今年水渰田苗
盡少米爭前乞使華

水色山光不易吟却教款乃發幽深春陵不作吳兒
事道是雲山韶濩音

吳江灘石苦經過音節聽來噪未和不似吳儂音韻
美遺聲全是竹枝歌

夢驚蓬底卧秋江一句綿終和者寔任使再歌聽未
已不知寒日上船窓

幹當江南有許多往還冠蓋侶攛梭因茲力役無
暮歎乃翻成懊惱歌